

將軍故宅在西門，曾寄楹書萬卷存。秦火可憐同一炬，當年辛苦

豈堪論。

鍾軍門故宅在西門正街余藏書均寄存於此

答盧六參政議席見贈之作原韻

李仙根

陳詩君有志，結習我難除。一擲金非重，千章玉不如。滔滔看舉世，渺渺正愁予。報國應償願，置身今要樞。

背水陣歌

曾琦

座客且勿喧，聽我按劍慷慨陳一言，昔有韓信善將兵，置之死地而後生，背水爲陣摧勁敵，一戰功成四海驚。又有苻秦犯江東，投鞭斷流氣何雄，謝安布陣迎淝水，却敵威名震八公。更有金亮下江南，南宋君臣食不甘，采石磯頭一朝捷，允文千古號奇男。由來中夏稱天朝，四夷臣服孰敢驕。君不見漢逐匈奴開西域，論